

თბილისის სახელმწიფო უნივერსიტეტი, ჰუმანიტარულ მეცნიერებათა
ფაკულტეტი
საბაკალავრო პროგრამა კლასიკურ ფილოლოგიაში

პროგრამა ძირითადი (major) სპეციალობისთვის
საბაკალავრო პროგრამის დასახელება: კლასიკური ფილოლოგია (Classical Philology)

მისანიჭებელი აკადემიური ხარისხი: ჰუმანიტარულ მეცნიერებათა ბაკალავრი

პროგრამის კოორდინატორი: სრული პროფ. რისმაგ გორდეზიანი

სამაგისტრო პროგრამის საკვალიფიკაციო დახასიათება:

ანტიკურობა თანამედროვე ევროპული კულტურის საფუძველია. ძველი ბერძნული და რომაული ლიტერატურა, ხელოვნება, მითოლოგია, ფილოსოფია დღესაც კაცობრიობის სულიერი განვითარების ერთ-ერთ უმძლავრეს სტიმულს, ხოლო ბერძნული და ლათინური ენები საერთაშორისო ტერმინოლოგიის ფორმირების ძირითად წყაროს წარმოადგენს. ანტიკურ სამყაროსთან საქართველოს - კოლხეთსა და იბერიას - უხსოვარი დროიდან მჭიდრო კავშირები ჰქონდა, ქართველური კომპონენტი მნიშვნელოვანია წინაბერძნულსა და წინარომაულ მედიტერანულ კულტურებში.

ანტიკური ცივილიზაციის დაქვეითების შემდგომ ერთი ათასწლეულის განმავლობაში მსოფლიო ისტორიის ასპარეზზე ერთ-ერთ წამყვან როლს ანტიკურობის მემკვიდრე შუა საუკუნეებში, ქრისტიანობის ბურჯი - ბიზანტია ასრულებდა. ბიზანტიაში შეიქმნა ქრისტიანული კულტურის უმნიშვნელოვანესი ძეგლები, ბიზანტიურ-ქართული მრავალმხრივი და ინტენსიური ურთიერთობები საქართველოსთვის განვითარების ერთ-ერთი უმთავრესი ფაქტორი იყო.

თანამედროვე მართლმადიდებლური საბერძნეთი, მემკვიდრე დიადი ანტიკური და შუა საუკუნეების ბერძნულენოვანი კულტურებისა, ამჟამად ევროკავშირის ერთ-ერთი თვალსაჩინო წევრი, გამორჩეული თავისი თანამედროვე თვითმყოფადი კულტურით, საქართველოსთან წარმატებით აგრძელებს ათასწლეულების მომცველ ურთიერთობებს. თსუ კლასიკური ფილოლოგიის, ბიზანტინისტიკისა და ნეოგრეცისტიკის ინსტიტუტი ამზადებს სპეციალისტებს ამ უმდიდრესი კულტურული მემკვიდრეობის შესათვისებლად - სამი ძირითადი მიმართულებით, ანუ სპეციალობით.

მიზანი: კლასიკური ფილოლოგია არის მეცნიერება ანტიკური სამყაროს შესახებ. ამ სპეციალობაზე სტუდენტი იღებს კომპლექსურ ცოდნას ძველ ბერძნულსა და რომაულ კულტურაზე (ლიტერატურა, ისტორია, არქეოლოგია, ხელოვნება, მითოლოგია, ფილოსოფია), ეუფლება კლასიკურ - ძველ ბერძნულ და ლათინურ - ენებს, ორიგინალში კითხულობს ჰომეროსის, ესქილეს, სოფოკლეს, ვერიპიდეს, ვერგილიუსის, ჰორაციუსის, ოვიდიუსის და სხვათა ნაწარმოებებს, შეისწავლის კლასიკური ტრადიციების შემოქმედებითი ათვისების საინტერესო ისტორიას მსოფლიოში, იღებს ცოდნას ბერძნულ-ქართული ურთიერთობების ძირითად ეტაპებზე ანტიკურ ეპოქაში.

სწავლების პროცესის გასაღრმავებლად და გასამრავალფეროვნებლად სისტემატურად მოეწყობა სტუდენტთა სამეცნიერო კონფერენციები, ლიტერატურული საღამოები, ბერძნულ-რომაულ სამყაროსთან დაკავშირებული მხატვრული ფილმებისა

და სპექტაკლების ჩვენება და მათი განხილვა, როგორც ქართველ, ისე უცხოელ მკვლევართა საჯარო ლექციები. იმუშავებს ანტიკური დრამის სტუდენტური სტუდია “ოდეონი”. სტუდენტთა სამეცნიერო კონფერენციებში გამარჯვებული მოხსენებები გამოქვეყნდება სტუდენტთა სამეცნიერო კრებულ “მნემოსინეში”.

მაღალკვალიფიციურ ქართველ პედაგოგებთან ერთად, ლექციებსა და სემინარებს სისტემატურად ჩაატარებენ საბერძნეთიდან, იტალიიდან, გერმანიიდან, დიდი ბრიტანეთიდან, კვიპროსიდან და სხვა ქვეყნებიდან მოწვეული სპეციალისტები.

წარჩინებული სტუდენტები კვალიფიკაციის ასამაღლებლად გაიგზავნებიან საბერძნეთის და იტალიის უმაღლეს სასწავლებლებსა და საზაფხულო სკოლებში.

შედეგი: პროგრამის დასრულების შემდეგ ბაკალავრი შეიძენს კომპლექსურ ცოდნას ძველ ბერძნულსა და რომაულ კულტურაზე (ლიტერატურა, ისტორია, არქეოლოგია, ხელოვნება, მითოლოგია, ფილოსოფია), დაეუფლება კლასიკურ - ძველ ბერძნულ და ლათინურ - ენებს, შეეძლება ორიგინალში წაიკითხოს ჰომეროსის, ესქილეს, სოფოკლეს, ევრიპიდეს, ვერგილიუსის, ჰორაციუსის, ოვიდიუსის და სხვათა ნაწარმოებები, შეიძენს ცოდნას ანტიკურ ეპოქაში ბერძნულ-ქართული ურთიერთობების ძირითად ეტაპებზე. შეეძლება ძველ ბერძნული და რომაული ლიტერატურისა და კულტურის აქტუალურ საკითხთა კვლევა როგორც ანტიკურობასთან და თანამედროვეობასთან, ისე ქართულ სამყაროსთან მიმართებითაც.

დასაქმების სფეროები:

საინფორმაციო-ბიბლიოგრაფიული, სარედაქტორო, სარეფერენტო, მეთოდოკური, სათარჯიმნო და მხატვრულ-კრიტიკული საქმიანობისათვის სტუდენტი დასაქმდება:

- ენობრივ კურსებზე,
- გამომცემლობებში,
- მთარგმნელობით ცენტრებში,
- სხვადასხვა ფონდში,
- მასმედიაში,
- ბერძნულ-ქართულ კომპანიებში,
- საბერძნეთის, კვიპროსის და საქართველოს დიპლომატიურ წარმომადგენლობებში,
- არასამთავრობო ორგანიზაციებსა და სახელმწიფო სექტორში,
- სასულიერო საგანმანათლებლო ცენტრებში და სხვ.

მატერიალურ-ტექნიკური ბაზა:

მუშაობს დიდი სპეციალიზებული ბიბლიოთეკა - სიმონ ყაუხჩიშვილის სახელობის კაბინეტი, საინფორმაციო-კომპიუტერული ცენტრი ინტერნეტით.

სწავლის გაგრძელების საშუალება: ბაკალავრიატის კურსის დასრულების შემდეგ წარჩინებული ახალგაზრდები შეძლებენ სწავლის გაგრძელებას მაგისტრატურაში ჰუმანიტარული ფაკულტეტის სხვადასხვა სპეციალობებზე;

შეფასების ზოგადი წესი:

შეფასების სისტემა ასეულიანია და ოპტიმალურია კლასიკური ფილოლოგიის სწავლებისთვის, რადგან სხვადასხვა პარამეტრების შეჯამების და დიფერენცირების საშუალებას იძლევა. დისციპლინები შედგება სხვადასხვა კომპონენტებისგან მათი ინდივიდუალისტური სპეციფიკიდან გამომდინარე, მათი თანაფარდობა არ მოითხოვს ზედმიწევნით შტამპირებას. პრაქტიკულ სემინტში პრიორიტეტული აქცენტები კეთდება სემინარულ და პრაქტიკულ მუშაობაზე. მინიმალურ შეფასებას წარმოადგენს 51 ქულა.

საბაკალავრო პროგრამა კლასიკურ ფილოლოგიაში ძირითადი სპეციალობის პროგრამა

სავალდებულო საფაკულტეტო საგნები – 50 კრედიტი
მათ შორის:

უცხო ენა (სასურველია ახალი ბერძნული ენა) –
10 კრედიტი

კლასიკური ფილოლოგიის შესავალი – 5 კრედიტი

კომპენტენციისათვის სავალდებულო საგნები –
20 კრედიტი
მათ შორის:

თარგმანის თეორია და პრაქტიკა
(ქართული ენის სტრუქტურული ანალიზი + კლასიკური ენებიდან თარგმნის
თეორია და პრაქტიკა) – 5 კრედიტი
ლინგვისტური კომპარატივისტიკა (ბერძნული და ლათინური
ენათმეცნიერება) – 5 კრედიტი

სპეციალობისათვის სავალდებულო საგნები - 85 კრედიტი

- ძველი ბერძნული ენა 15
- ლათინური ენა 15
- ძველი ბერძენი ავტორი I 5
- ძველი ბერძენი ავტორი II 5
- ძველი ბერძენი ავტორი III 5
- რომაელი ავტორი I 5
- რომაელი ავტორი II 5
- რომაელი ავტორი III 5
- ანტიკური ლიტერატურის ისტორია 10
- ანტიკური მითოლოგია 5
- საბაკალავრო ნაშრომი – 10

არჩევითი საგნები - 15 კრედიტი (ყველა საგანი 5 კრედიტიანია)

- უძველესი და ანტიკური არქეოლოგია
- ძველი ისტორიის საფუძვლები
- ანტიკური ცივილიზაცია
- ბიზანტიური ლიტერატურის ისტორია
- ბერძნული ენის ლექსიკოლოგია და ლექსიკოგრაფია

დამატებითი სპეციალობის პროგრამა 60 კრედიტი

სავალდებულო საგნები – 40 კრედიტი

- შესავალი კლასიკურ ფილოლოგიაში 5
- ძველი ბერძნული ენა 15
- ლათინური ენა 15
- ანტიკური ლიტერატურის ისტორია 5

არჩევითი საგნები – 20 კრედიტი

(ყველა საგანი 5 კრედიტიანია)

- ანტიკური მითოლოგია
- ძველი ბერძენი ავტორი
- რომაელი ავტორი
- ძველი ისტორიის საფუძვლები
- ანტიკური ცივილიზაცია
- ბიზანტიური ლიტერატურის ისტორია